



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-I/25-3-40-434-7/20
Datum: 29.12.2023. god.

«Agencija za vodno područje rijeke Save» Sarajevo rješavajući po zahtjevu pravnog lica „Almy” d.o.o. Zenica za izmjenju rješenja broj:UP-I/25-3-40-434-5/20 od 11.11.2020. godine u smislu promjene za dio koji se odnosi na skladištenje naftnih derivata, na osnovu člana 262. Zakona o upravnom postupku («Službene novine Federacije BiH», broj 2/98, 48/99 i 61/22),
donosi

R J E Š E N J E o izmjeni rješenja o vodnoj dozvoli

1. Mijenja se rješenje ove Agencije broj: UP-I/25-3-40-434-5/20 od 11.11.2020. godine u smislu promjene za dio koji se odnosi na skladištenje naftnih derivata tako da u obrazloženju predmetnog rješenja treba da stoji da je:

- **Instalirana je nadzemna cisterna za pretakanje naftnih derivata kapaciteta 9000 litara, proizvođač AMA, DTO MOD:DTO-90-5K, serijski broj:49956, godina proizvodnje 2021, materijal FE 360 B(S235JR), debljina 3 mm, radni pritisak 1 bar.**

2. U ostalom dijelu rješenje ostaje nepromijenjeno.

O b r a z l o ž e n j e

Pravno lice „Almy” d.o.o. Zenica obratio se ovoj Agenciji sa zahtjevom bez broja dana 25.12.2023. godine kojim je zatražena izmjena ranije izdatog rješenja ovog organa broj: UP-I/25-3-40-434-5/20 od 11.11.2020. godine. Ovim rješenjem pravnom licu dodijeljeno je rješenje o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona i betonske galanterije kapaciteta 110 m³/h, izgrađenog na zemljištu označenom kao k.č. broj 351/3, 353, 354, 357, 358, 359/2, 359/3, 351/3, 352 i 906 K.O. Zovik, općina Hadžići.

Dana 17.11.2023. godine Vodni inspektor Federalne uprave za inspekcijske poslove nakon obavljenog uviđaja izdao je Rješenje broj:UP1-14-21-2-08486/2023-1403-P-1403-2 kojim je naredio tačkom 3. da „Almy” d.o.o. Zenica podnese zahtjev Agenciji za vodno područje rijeke Save Sarajevo zahtjev za izmjenju rješenja o vodnoj dozvoli za dio koji se odnosi na skladištenje naftnih derivata.

U prilogu zahtjeva dostavljena je slijedeća dokumentacija:

- Aktuelni izvod iz sudskog registra, broj:043-0-RegZ-23-003481 od 27.11.2023. godine izdat od strane Općinskog suda u Zenici – ovjerena kopija,
- Uvjerjenje o poreznoj registraciji od 12.01.2011. godine izdato od strane Porezne uprave Kantonalni ured Zenica – ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-UPJR/1-4329-2/09 od 22.09.2009. godine izdato od strane Uprave za indirektno oporezivanje Banja Luka – ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:07-32.5-99156/14 od 18.09.2014. godine izdato od strane Službe za statistiku za područje Zeničko-dobojskog kantona – ovjerena kopija,

- Tehničke karakteristike instalirane nadzemne cisterne za pretakanje naftnih derivata,
- Rješenje o vodnoj dozvoli broj: UP-I/25-3-40-434-5/20 od 11.11.2020. godine, izdato od strane «Agencije za vodno područje rijeke Save» Sarajevo - kopija,

U podnesenom zahtjevu se navodi, a što se iz priložene dokumentacije nesporno utvrđuje, da je u periodu od izdavanja navedenog upravnog akta došlo do promjene instaliranih sadržaja i objekata na prostoru izgrađenog postrojenja za proizvodnju betona i betonske galanterije kapaciteta 110 m³/h, na zemljištu označenom kao k.č. broj 351/3, 353, 354, 357, 358, 359/2, 359/3, 351/3, 352 i 906 K.O. Zovik, općina Hadžići.

Uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98, 48/99 i 61/22), ovo rješenje djeluje samo za ubuduće.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Obradivač akta:

mr. Selma Merdan, dipl.inž.geol.

Po ovlaštenju

Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- ALMY d.o.o.
Vrandučka bb, 72000 Zenica,
- AVP Sava, ISV-vodna knjiga
- sektor 40 – arhiva
- Sektor 50
- Oglasna ploča